

EPISCOPORVM ET CLERI
In Incluto regno *sveciæ*

CENSURA

De

Instituto & actionibus

Dn. JOHANNIS DURÆI Ecclesiæ
Scoto-Britanni, in oblato nobis pa-
cis & concordie Ecclesiasticæ,

*Inter Nos & Reformatos Calvinianos con-
ciliandæ*

Studio,

Ad meliorem Lectoris, in iis quæ de hoc argu-
mento evulgaverat ipse DURÆUS,
informationem,

*Facta in conventu comitali, qui Stockholmiæ ha-
bitus est in mense Februario, Anno*

O. R. 1638.

Zach. 8, 16.

VERITATEM & judicium PACIS judicate
in portis vestris.



1. Ioh. 4. 1.

*Charissimi, nolite cuiusvis spiritui credere, sed
probate spiritus, an ex Deo sint.*

2. Joh. v. 10.

*Si quis adveniens ad vos non habeat doctri-
nam hanc, ne recipiatis illum in domos vestras,
Et ne AVE dicatis illi.*

Jerem. 51. 9.

Curavimus Babylonem, & non est sanata.

Archiepiscopus, Episcopi, Superintendentes, Professores, Prepositi & Pastores in Inclyto regno Suecia, pro tempore in Comitibus Stockholmensibus congregati, Candido & benevolo Lectori, Gratiam & pacem per Dominum & Salvatorem nostrum Iesum Christum, cum debitâ honoris Praefatione, officiorumq; nostrorum promptitudine precamur, &c.

Non dubitamus, Candide & amice Lector, quin multis innotuerit advenisse in patriâ nostram charissimam, ante annû & quod excurrit, Ecclesiasten quendâ Scoto-Britannû, cui nomē JOHANNES DURÆUS, eumq; hoc potissimû habuisse negocij, ut Conciliato inter nos, qui doctrinâ verè Evangelicam profiteamur, & ab ejusdem Reformatore D: Luthero Lutherani vulgò appellamur, & Reformatos, ut vocari volunt, Calvinianos religionis Syncretismo, ad concordiam & spiritualē fraternitatem præparatoria quædam tentaret, nosq; ad eandem acceptandam & consilijs nostris promovendam sollicitaret. Quod suum propositum, impetratâ primû ab Illustrissimo Regni Cancellario, Domino nostro gratiofo, veniâ & ad nos commendatione, etiam deposuerat, partim in particularib⁹ quibusdâ Regni Collegijs, Upsaliensi Strengnensi & Arosiensi, quorum singula præfatum Dn: DURÆUM superiori anno aliquoties præsentem viderunt, negocium suum exponentem audiverunt, rem pro suo pondere & momento considerarunt, suamq; de hujus unionis Ecclesiasticæ oblatione mentem & consilia scriptis communicarunt, uti agnoscit

Exordium
& Narratio

Dn. Duræus in scripto quodam evulgato pag. A. 2. fac. 2 :
partim in conventu nostro novissimo , quem hic negotio-
rum publicorum causâ præterlapsâ æstate celebravimus,ubi
in Consistorio, de proposito nobis pacis & concordia Eccle-
siasticæ studio , cum Dn. DURÆO collegialiter & univer-
sim fuit actum: Idq; præmissis pijs precibus, & seriâ Dei invo-
catione, pro felici negotii successu, habitoq; inter nos collo-
quio, sessionib⁹ distinctis duabus, eiq; tandē, prout tēporis &
argumenti ratio ferre videbatur, responsum. Quamquam
igitur quid de arduo hoc negotio sentiamus , ita sufficien-
ter putabamus esse declaratum; Quia tamen & mora Dn.
DURÆI, in hisce terrarum oris opinione nostrâ diutur-
nior, & exhibitæ nobis ante dies aliquot, quædā ejus pagellæ
typis evulgatæ, eorum quæ hætenus inter nos tractata sunt,
summa capita arbitrariâ fide, uti videmus, confarcinata con-
tinentes, cum præmissâ iisdem ad nos epistolâ, manifestum
nobis faciunt, vel non videri illi â nobis adhuc esse satisfac-
tum, vel commune sine dubio ab universo nostro ordine,
de re propositâ responsum, scripto comprehensum suisq; pa-
rastatis communicandum ulterius expectari, uti subinnuit
in Consignat. summ. capp: pag. B. 2. fa. 2. Ideoq; ne ullâ in re pro-
movendæ Christianæ concordia, ipsiq; Dn: Duræo deesse
videamur, operæ precium nostræq; humanitatis esse duxi-
mus, hac etiam vice illi nos accommodare, nostramq; men-
tem denuò declarare: Præcipuè quandoquidem, sicut Dn:
Duræus *sparsos de actis inter nos malevolorum rumores, vel operi
suo sanctissimo, ut scribit, nocituros, vel nomini injuriosos fore lub-
veretur, in Declarat: Legitimationis suæ pag. A. 1. fac. 2.* Ita no-
stra non minus intersit præcavere, ne simplices & incau-
ti, evulgatis ipsius pagellis in præjudicia & sinistras de acti-
bus nostris opiniones rapiantur. Non autē singula quæ Dn.
DURÆUS de hoc argumento nobis obtulerat, cum manu
scripta, quorum multi fasciculi in Consistoriorum particula-
rium

rium Archivis reservantur, & in præsentia ad manus esse non potuerunt; tum hîc typis expressa omniumq; conspectui subiecta repetemus; Sed de primariis saltem quæstionis nostræ capitibus Candidum Lectorem informabimus. Quod & faciemus hisce sequentibus, illud ipsum quod antea respondimus, plenius & planius fortassis effecturi.

119
Propositio
in qua:

I. Et primò quidem, etiamsi Dn. DURÆUS nullam adhuc nobis ad tantum momenti negocium vocationem, aut nobiscum tractandi plenipotentiam commonstraverat, nosq; propterea illud ipsum partim ex propria quâdam animi devotione & pacis desiderio, partim etiam svasu & approbatione aliorum quorundam in patriâ suâ, alijsq; regionibus nonnullis Theologorum, eoq; similiter particulari & privato, profectum esse videntes, ejusdem quo nobis offertur momenti æstimare potuissemus: Præsertim cum nos de nullo penitus articulo religionis nostræ dubitemus, in eorundem Orthodoxiâ, per Dei gratiam, usq; ad extremum vitæ halitum perseveraturi, nec ullum in hisce dissidium per totam nostram patriam ejusmodi aliquâ pacificatoris operâ, quod sciamus, indigeat; viso tamen ac considerato, pium esse ejus propositum, & ad tollenda aliquando impia illa & scandalosa inter Evangelicos dissidia, sedandas Theologorum altercationes, & conciliandam auream & jucundam in Christo fraternitatem, Psal: 133. v. 1. collimare: nec non cum nomine Serenissimæ nostræ Regina, placuerit Illustrissimis Regni Administratoribus, Dominis nostris Clementibus, illum ad communicanda nobiscum præconcepta pacis consilia, placidamq; sententiarum collationem, nostro Collegio commendare: Non debuit utiq; nec potuit laudabile hoc institutum nobis ex animo non placere: Præsertim cum nobis etiam semper in votis fuerat, ut Deus aliquando, qui est Deus pacis, 1. Cor. 14. 33. 2. Cor. 13. 11. Et ipse pater luminum Iacob. 1. 17. â nobis dissentien-

I.
Ipsius o-
peris com-
mendatio.

tes non tantum Reformatos, sed & omnes alios ad saniorem mentem & linguam sinceriores velit revocare, quod unum nobiscum sentiant secundum Iesum Christum, ut unanimes uno ore honorificemus Deum & patrem Domini nostri Iesu Christi, Rom. 15. 5. & 6. Et unum nobiscum loquantur, nec inter nos sint schismata; sed ut perfecti simus in eodem sensu, unâq; sententiâ, 1. Cor. 1. 10. Similiter affecti, similemq; charitatem habentes, unanimes, id ipsum sentientes, nihilq; fiat cum contentione & inani gloriâ, Phil: 2: 2. 3. In eo quod jam apprehendimus, ambulantes secundum eandem regulam, Phil. 3: 16. Et ut verè de nobis pronuciari aliquandò possit aureum illud Christianæ fraternitatis elogium, quod membra simus unius corporis Rom. 12. 5. 1. Cor. 12. 12. quæ unum sit corpus & unus spiritus, sicuti etiam vocati sumus in unâ spe vocationis nostræ, unus Dominus, una fides, unum Baptisma, unus Deus & pater omnium, qui est supra nos omnes, per nos omnes, & in nobis omnibus, Eph: 4. 3. Hoc præsertim ultimo misereq; vexato seculo, quo magis fortè opus esset, ut constituto primùm in fide & religione consensu, conjunctisq; fraternitatis dextris, sub uno professionis Evangelicæ vexillo, dimicare possemus adversus sævissimum illum Evangelici fœderis hostem, utpote cujus vires jam multis annorum decursibus, in veræ Ecclesiæ persecutione, urbium & provinciarum depopulationibus, horrendis Christianorum cædibus, facultatum & bonorum direptionibus & rapinis accrescere; nostras è contra, per mutuam Evangelicorum in fide & religione discordiam, non leviter infringi & labefactari facilè videmus.

II.
Unionis Ec-
clesiasticæ
fundamen-
ta & condi-
tiones.

II. Cum autem inter nos & Reformatos Calvinianos pax & fraternitas pura, sincera, stabilis & infucata non optari quidem, nedum sperari possit aut debeat, nisi positis primùm ejus fundamentis & conditionibus, notum sit candido Lectori, unionis constituendæ media & conditiones à Veneran-

dâ fa-

dâ facultate Theologicâ in Academia Ubsaliensi Dn. DURÆO propositas, eademq; ferè omnes vel plerasq; in inferioribus Collegijs Strengnensi & Arosiensi repetitas, nec non in Colloquio nostro novissimo Holmiæ habito sæpius ingeminatas fuisse. Quas condiciones cum & ipse æquas, & paci constituendæ commodas, optimas & sufficientissimas, imò & necessarias esse nobiscum agnoverit, & scripto suo publico inferendas esse judicaverit pag. A. fac. 2. Item pag. B. 2. fac. 1. Nos etiam hoc nostrum utriusq; judicio adhuc dum inhæremus, prædictasq; pacis condiciones hic denudò repetimus, & candido Lectori cognoscendas proponimus, Nempè ut sit inter nos & Reformatos Calvinianos:

120

1. *Consensus in Omnibus fidei articulis fundamentalibus, nullo excepto.*

1.

2. *Abolitio omnium errorum propugnatorum, qui vel fundamenta destruunt, vel ad ea convellenda diriguntur.*

2.

3. *Tolerantia in Ceremonialibus & adjaphoris, juxta Scripturas.*

3.

4. *Integritas & candor unitarum partium, ne quis ambiguë locutionibus veteres errores occultet.*

4.

5. *Ne quis pace constitutâ, errores vel defendere, vel excusare, vel spargere ulterius tentet.*

5.

6. *Temperantia ab ambitiosis & non necessarijs Disputationibus.*

6.

7. *Contumeliarum & injuriarum æquitas.*

7.

8. *Ministerij & gubernationis Ecclesiasticæ ad normam Apostolicam constitutio.*

8.

Quæ omnia concordix & unionis fundamenta pars utraq; sine omni dubio, ita solida esse confitebitur, ut certum omninò & persuasum utrinq; habeamus, non posse nos unquam, sublato horum unò vel altero, stante in primis & durante fundamentali inter nos religionis dissensu, in solidam aliquam fraternitatem conspirare. Cumq; ad san-

cien-

ciendam aliquam in ipsis fundamentis *ὑποφύλασιν* requiratur omnino commune aliquod confessionis Symbolum, quod sit mutui consensus norma & *γνώρισμα* indubitatum; Nos verò ab Augustanâ Confessione nunquam sumus recessuri, vel aliam quamcunq; â Reformatis nobis præscribendam, pro illâ recepturi: adjecta fuit etiam â nobis in colloquio nostro Stockholmensi, hæc conditio nona & ultima, quod scilicet velimus Reformatos hoc Ecclesiæ *ἐκκλησίας* Evangelicæ Symbolum candidè & sincerè nobiscum acceptare, si aliqua inter nos sperari debeat unio.

Intelligimus a. Augustanam Confessionem, non spuriam illam & adulteratam, quæ decennio post Comitiam Augustanam, Vitebergæ inter privatos parietes confarcinata fuit, & Calvinismo haud obscurè patrociniatur, ac propterea neq; â B. Luthero neq; â Protestantibus approbata aut confirmata fuit: Sed primam illam genuinam & invariata, ipsi Imperatori Calolo V. in comitijs exhibitam: Neq; Augustanam Confessionem quoad generalia tantum, aut sensu quocumq;, sed etiam quoad specialia sensuq; Orthodoxo in ejusdem Apologiâ & Formulâ Concordiæ explicatam & intellectam.

III.
Ejusdem
impedimē-
ta & Remo-
ria.

III. Jam a. præsuppositis hisce Concordiæ conditionibus, quo minus ejusmodi, aliquam cum Reformatis unionē sperare potuerimus hætenus, hæc imprimis sequentia obstituerunt, quæ etiam D. DURÆO in discursu nostro mutuo sæpius fuerunt objecta, videlicet:

- I. I. Reformatorum Calvinianorum in articulis Fundamentalib⁹ plerisq; ab Orthodoxiâ dissensio, cujusmodi sunt articuli de Deo ejusq; concursu cum peccato & actionibus malis: De Dei præscientia, An scilicet illa inferat peccato & actionibus humanis necessitatem: De Christo, ejusq; secundum humanam naturam omnipræsentia, cum alijs idiomatis & proprietatibus divinis carni assumptæ realiter comuni-

municatis: De universali Christi merito: De æterno prædestinationis decreto: De Sacramentorum natura & efficacia non *ἁπλῶς* tantum & Relativâ sed verè *μεταδοτικῇ* & Exhibitivâ: De Corporis & sanguinis Christi in Sacra Cœna vera reali & Orali manducatione & bibitione: Et si qui sint alij vel fundamentales vel minus fundamentales, in quibus Reformati hætenus à nobis secessum fecerunt. Id quod probatu nobis haud erit difficile, ex scriptis Zvinglij, Calvini, Beze, Zanchij, Sadeelis, Parei, Ursini, Martyris, Piscatoris & aliorum, quos cū hætenus tanquā suæ religionis Antesignanos Reformati Calviniani coluerint, nō potuimus utique nos aliundè quàm ex iisdē etiā, de totius Sectæ doctrina judicare

Quanquam autem fortè non ibimus inficias, recentiores quosdam manifestâ veritatis luce convictos, in quibusdam fecisse divortium a prædecessorum suorum opinionibus, qui hoc nomine etiam Reformatorum titulo gaudere cupiunt: Animadvertimus tamen, quod pace Dn. DURÆI ejusq; Collegarum dixerimus, stylum & linguam ita informari, qui in generalibus quidem fundamentalem nobiscum consensum præ se ferat; ad specialiora autem ubi fuerit perventum, qui vel subtilibus humani ingenij speculationibus, vel contortis axiomatum & regularum philosophicarum applicationibus, ipsum tamen fundamentum convellere & labefactare, vel phrasium & locutionum ambiguitatibus sensum genuinum & Orthodoxum obscurare & pervertere, adeoq; veterem errorum crambem nobis apponere velle videatur. *Vberiore hujus rei demonstrationem inveniet Lector in Tractatu Theologico, de Fundamentali dissensu, &c.*
D. Doct. Nicolai Hunii

2. Quod hæc Unio, inter Nos & Reformatos Calvinianos, antea fuerit tentata per varia Irenica, & utriusq; religionis Syncretismos, A Pareo in primis, Professore Heidelbergensi, sed conatu planè irritō & frustraneo, obstantibus iisdem, quæ necdum remota videntur, unionis impedimentis,

id quod ad oculus ferè demonstrarunt nostrarum partium Theologi, D. Georgius Mylius D. Leonhardus Hutterus, D. Philippus Nicolai Pastor Hamburgensis, & D. Johannes Sigvardi Tubingensis, qui omnes invictis planè rationibus & mutuò quasi communicatis argumentis ostenderunt, quod pax à Calvinianis nobis oblata, ejusq; constituendæ media non possint, sine glariæ Dei, Cœlestis veritatis & bonæ conscientiæ jacturâ & irreparabili dispendio, nec non innumerabilium Christianorum inevitabili scandalo, à nobis acceptari: Non admissio propiori accessu ad veritatem quorundam articulorum fundamentalium, in S. Scriptura clarè expressam. Quæ omnia etiam hodierno die tam diu Unionis inter Nos fœdera suspendent, donèc errores qui ad fundamentales fidei articulos convellendos diriguntur, non videmus seriò esse abjectos.

3. Accedit Reformatorum Calvinianorum inter se invicem dissensio, quos in diversas de præmissis articulis abivisse sententias, & res ipsa loquitur, & Dn. DURÆUS in Colloquio nostro non potuit diffiteri. Unde evidenter sequitur, quod si vel maximè cum quibusdam, in fraternam aliquam concordiam coire possemus: Illam tamen nunquam fieri posse universalem aut durabilem. Quæ res efficeret, ut posteriora fierent pejora primis.

4. Plures pacis conciliandæ Remoras hic non commemoramus, quas qui scire cupiet, consulat Irenicum D.D. Hutteri Cap. 2.

IV.
Ad consilia
Duræi Re-
sponso.

IV. Proposuerat etiam nobis Dn. DURÆUS quædam Unionis ineundæ media, siue consilia partim alibi singulis, partim primo nostro Conventu Stockholmensi universis quæ hic etiam duximus esse commemoranda, ut quid de illis, sit sentiendum, æquas Lector nobiscum possit judicare.

I. Postulantibus nobis generalem aliquam Reformatorum Confessionem, quæ cum nostra illa Augustanâ con-

fessione, in fundamentis omnibus esset conformis, proferebat quidem Dn. DURÆUS Harmoniam quandam Confessionum Ecclesiarum, in Helvetiâ, Belgio, Palatinatu, Anglia, nî fallimur, & alibi ubi inter Reformatos sese profitentur: Sed quæ non inter sese, multò minus cum Nostrâ consentiebant.

2. Putabat edendam fore à Reformatis Calvinianis aliquam Confessionem fundamentalem, quæ eorum nobiscum consensum dilucidè exprimeret, postulatisq; pacis conditionibus sit satisfactura. Sed quomodo de illâ concordie normâ poterimus ferre iudicium, quam ad huc non vidimus; nec brevi temporis spatio fortè erimus visuri? Quod si autem talis aliqua exhibebitur, æquum feremus, & conforme divinæ veritati de illâ iudicium.

3. Judicabat tollendis inter Nos dissidijs, & constituendæ Concordiæ, utile & necessarium fore consilium vel synodum aliquam generalē, in quâ conveniant utriusq; partis Theologi, non tam ad disputandum de articulis, quàm ad componendas controversias, & excogitanda communi deliberatione pacis stabiliendæ media. Sed ut omittamus, quod hoc consilium multa supponat, quæ tamen adhuc non sunt concessa: Ut etiam non commemoremus infinitas ferè & ineluctabiles difficultates, quæ circa talis Concilij, tot tamq; diversorū ex Sveciâ, Daniâ, Poloniâ, Germaniâ, Galliâ, Britanniâ, Helvetiâ, &c. Theologorum convocationem, legitimæ ejusdem formæ constitutionem, obstaculorum & præjudiciorum, quæ deliberantium animos plerumq; solent occupare remotionem, incidere possent: Saltem vestigia synodi Dordrechtanæ contueamur, quæ diligentius inspecta, nostræ partis Theologos etiam si ad eam rem propensiores, à cogitatione tamen illâ de synodo, & veritate per eam vindicandâ & asserendâ, abstertere omnino possunt. Quâ enim sinceritate & libertate investigandæ & asseren-

dæ veritatis, ista synodus superioribus annis, non cum nostris Theologis, sed inter ipsos Remonstrantes, uti vocant, & contra-Remonstrantes, habita sit, ipsemet synodi processus quoslibet cordatos & rectè sentientes ipsiusq; Concilij historiam & acta sine præjudicio perlegentes sufficienter informabit. Quid etiam effectum sit in privato saltem Colloquio, quod nuperrimè habuerunt pauci utriusq; partis Theologi Lipsiæ Anno 1631: Quæ incommoda consequentia creaverit: quas turbas & suspiciones moverit: quos rumores inter malevolos sparserit contra nostras Ecclesias orthodoxas: Quomodo etiam post habitum illud Colloquium ante victoriam, ut dicitur, triumphum cecinerint Reformati, ex relatione cujusdam in Germaniâ Theologi, qui & ipse huic Colloquio interfuerat, cognovimus. Quæ sit etiam ejusdem sententia, de negotio pacificationis à Dn. DURÆO institutæ: quid præterea arbitretur de Syncretismo hoc Calvinistico; de præconceptis nobisq; oblatis concordiae obtinendæ Consilijs, tum aliorum ex Reformatis, tum trium Venerabilium in Ecclesia Anglicanâ Episcoporum, quorum nomine & autoritate, ut videri vult, Legatione sua fungitur Dn. DURÆUS, de suo nobis largitus est hisce diebus præfatus Theologus, in tractatu suo Germanico, cui titulus *Unvermeidliche Rettung gethaner gewissensfrage* / Impresso Lipsiæ Anno 1635. Cap. 18 pag. 315. Cap. 22. pag. 345. Cap. 26. 27. & 28. pag. 377. & sequentibus. Quod etiam Dn: DURÆUM & alios harum rerum ignaros remissos esse velimus.

Porro ad exemplum Unionis inter fratres Evangelicos, Sendomiriæ in Poloniâ constitutæ, sæpius provocare videbatur DURÆUS, in quâ tres illæ distinctæ Sectæ, quæ partim Augustanam, partim fratrum Bohemicorum partim Helvetiorum Confessionem sequebantur, non obstante aliqua dissensione, in mutuum consensum coaluerunt Anno

1570. Quod si autem in ullâ re locum habebit Regula illa vulgaris: Non *Exemplis* videlicet, sed *legibus* esse iudicandum, tum in hoc pacis Ecclesiasticæ negotio vel maximi erit momenti. Non enim hic tam quæritur de *Facto*, An scilicet talis Syncretismus sive consensus unquam fuerit initus, id quod non Sandomiriæ tantum, sed & in Helvetiâ, in Sabaudiâ alijsq; locis, factum esse non diffitemur; quàm de *Jure*, hoc est, An tales Syncretismi ad normam verbi divini congruât. Certè quod religionis mixtura Deo non possit usque adeò placere, ex sacris literis haud difficulter potest demonstrari. Versatur etiam hujus exempli applicatio inter talia regna, quæ religionis diversitate, incolarum moribus, Regiminis Ecclesiastici formâ, legibusq; & statutis regnorum fundamentalibus sunt quam maximè dissimilia. Adde quod, cum religionum diversitas sæpè etiam integris regnis ac Rebus publicis soleat esse exitialis & detrimentosa, fit non rarò, ut incolæ, ad tollenda intestina bella, diversas religiones vel qualitercunq; saltem conciliare cogantur. Id quod in nostrâ patriâ, laus Deo, non metuimus, ex provisione laudatissimi Regis Caroli Noni, qui in Concilio Ubsaliensi An. 1593, Omnes regni Ordines ad Augustanam Confessionem genuinam & invariata, Interposito etiam sacri juramenti fœdere, ita devinxit, ut postea non tantum subditis, sed & successuris Regibus, in æternum nefas factum sit, ab illâ facere digressum.

Consensum ipsum Sandomiriensè quod attinet, quanquã de alienis nobis inviti sumimus iudiciu; illum tamen si à præsentis quæstione alienum esse statuamus, nihil opinamur nos à rei veritate aut synodi istius actibus alienum dicturos. Etenim quod consensus iste non ab omnibus Ordinibus, sed à solis ferè Calvinianis fuerit conflatus, receptus & approbatus, quod Augustanæ Confessionis ^{synodus} sic dictæ focii Doctores & Ecclesiæ, eidem contradixerint, vel si qui eorum in ipsâ Synodo Calvinianis consensum Unionis præ-

buerunt, non tamen Augustanam Confessionem primam illam & invariata[m], sed mutata[m] & variis erroribus conspurcata[m], ipsiq[ue] Zvinglianismo accommodata[m] amplexi sint: Quod Synodus Vilen[s]is Octennio post celebrata, in Sendomiriensi errores benè multos notaverit, eamq[ue] propterea exauctoraverit, uberius posset demonstrari, nisi res forte quibusdam futura esset odiosa. Hanc autem historiam si Lector benevolus ipse cognoscere velit, haud gravatim consulat Irenicum Christianum D: Doctoris HUTTERI Irenico D. Davidis Parei oppositum Cap. 17. & Cap. 22.

4. Promittebat etiam DURÆUS, ostensurum se nobis modum aliquem novum & transmarinum resolvendi textus Biblicos, qui quæstionem quamcunq[ue] dubiam ex præmissis & concessis, apodicticè etiam explicaret, verumq[ue] & genuinum ejus sensum ita erueret, ut illum non possent non singuli, etiam in diversis regionibus constituti approbare. Eamq[ue] Analysin appellat *Demonstrativam*, & *modum rectum* fore existimat *Confessionis fundamentalis dogmata applicandi ad alia quoq[ue], de quibus dubitatur, decidenda, in* Confignat. summ. capp: pag. B. 2. fac. 1. Cujus rei specimen, petito primùm & impetrato ejusdem adornandi spatio, exhibuit nobis altero die in resolutione harum duarum, ex verbis Cœnæ propositio- num: *hoc est corpus meū, hic est sanguis meus.* Sed hæc analysis ita fuit comparata, ut pene puerilis, ne quid durius dicamus, & tantæ existimationis authore planè indigna videri posset.

5. Præter hæc etiam alia quædam inter colloquen- dū in conventu nostro inciderunt: Ut potè quod de numero articulorum fundamentalium; adhuc esse incertum, & pri- mùm qui articuli pro Fundamentalibus habendi, qui vero non habendi sint nunc primum inter Nos definiendum esse judicaverit DURÆUS: Quod propositas à nobis quæstio- nes ex Symbolo Apostolico, de universali Dei misericor- diâ erga omnes homines, quam huc usq[ue] negarunt, & ad so- los

los electos restrinxerunt Calviniani: De ejusdem Omnipotentia, ex qua etiam sequitur, Deum posse efficere, ut Corpus Christi possit esse in pluribus locis simul & semel, salvis tamen naturalibus corporis proprietatibus: De praesentia corporis & Sangvinis Christi in Cæna, eorumque vera & reali, hoc est quæ fit instrumento oris, manducatione & bibitione, putaverit *non esse de articulorum Fundamento, sed ad modum saltem eorundem pertinere, Ideoque unionem in re ipsa non impedire.* Quod propterea hujusmodi inter Nos disputationibus in promovendo studio concordia sit super sedendum: Quod, quæ de hisce & similibus controversis scripserunt ZVINGLIUS, CALVINUS, BEZA, PISCATOR, ZANCHIUS, SADEEL, PAREUS & alii, velit esse saltem *opiniones quorundam privatas*; Cum tamen Reformati Calviniani non tantum nunquam eorum errores damnaverint; Sed etiam potissima pars eorum, aliis ejusdem religionis sociis propriisque suis collegis, Theologis Anglicanis Hassiacis & Bremensibus, qui duriores quasdam phrasas Reformationum corrigendas esse salutariter monuerunt, aperte contraxerint, in Synodo Dordrechtana, ut testantur acta ejusdem Synodi pag. 338. Quod Reformati & Symbolum Apostolicum & Augustanam Confessionem, quoad omnes articulos, nobiscum amplectantur; Sed, uti percepimus, in generalibus tantum, reservata interim sibi licentia specialiter quædam explicandi, SUOQUE MODO Intelligenti.

Quem intelligendi modum etiam, detracto quasi simulatae sinceritatis pallio, in apurum produxerunt, & ad normam indubitatae veritatis, in verbo Dei expressam examinerunt, tum antiquiores nunc in Domino defuncti nostræ partis Theologi, D. Georgius Mylius, D. David Lobeckius, D. Johannes Olearius, & D. Baltazar Mentzerus, in variis libellis Exegeticis, Commentariis & Disputationibus, in
 Augu-

Augustanam Confessionē, & in primis D. LEONH. HUT-
 TERUS in Irenico suo Christiano, Cap. 25. 26. & 28. Idq;
 collatis sincerè & sine præjudicio Theologorum adversæ
 partis sententiis, cū ipsis verbis invariatae Confessionis. Un-
 de etiam, quid differat aurum à scoriâ, æquus Lector nobis
 æcentibus, & actum agere nolentibus, facile deprehendet.
 Ad quorum pias & Orthodoxas in Augustanam Confessio-
 nem meditationes, nos adhuc provocamus, easq; pro No-
 stris constanter retinemus: Quod etiam DURÆUS de
 quibusdam inter nos controversiis interrogatus, piè quidē
 devotè & orthodoxè respondere videbatur: Sicut etiam se
 ipsum quidem *ab illâ fidei veritate, quæ in Augustanâ Confessione
 continetur, nunquam alienum, sed illi penitus addictum esse pro-
 fiteatur in Declarat: Legitimationis suæ pag. A. 3. fac. 1.* Sed hanc
 sinceritatem vel aliud quidpiam pro suis Collegis, etiam il-
 lis, quorum svasu hanc provinciam in se susceperat, promit-
 tendi aut præjudicandi, dixerat *Se non habere potestatem.*

V.
 Actionis
 cum Duræo
 conclusio.

V. Hæc igitur & similia quæ colloquentibus subin-
 de incidebant, cum in se talia sint, quæ in ipsa Fundamenta,
 in primo quasi limine impingebant, unde emergeret inter
 Nos gravior Controversia, quàm quæ brevi aliquo tempo-
 ris spatio finire potuisset: Ideo totum DURÆI negotium
 nobis suspectum, Concordiæ impetrandæ spes adhuc omni-
 no dubia, quin & opera nostra cum illo ulterius tractandi,
 inutilis & supervacanea futura videbatur, Nosq; propterea
 ipsum DURÆUM opinione consequendi, quod utrinq;
 sperabatur, diutius putavimus non esse suspendendum; fa-
 cto tamen primùm ad illum DIMISSORIO, uti vocat ipse
 in *Consignat: summ. capp. pag. B. 2. fac. 2.* Id quod in hunc ferè
 sensum pronunciavit Reverendissimus Dn: Archiepiscopus
 11. die Julii æstatis elapsæ: *Quod videlicet, licet spes nobis hætenus
 fuerat futurum ut quemadmodum pacem politicam & civilem cum
 Reformatis in Britannia colimus: ita quoq; spiritualis & Ecclesiasti-
 ca pax*

ea pax inter Nos sanciretur: cuius rei periculū, institutā quādam velitā-
 tione, precedenti die fecimus. Verū quia clarissimus D. Duræus, neq̃
 in processu à nobis instituto manere, neq̃ ad propositas quæstiones de
 articulis quibusdā, fidem & salutē concernentibus directē respondere
 voluit, ita ut expressus de veritate consensus nobis innotesceret: sed va-
 rias ambages & multiplices modos procedendi, Analysandi, interpreta-
 tandi, ex præmissis & concessis inferendi quasi verat, quibus veritas
 magis labefactata quàm illustrata fuit. Itaq̃ hoc Colloquiū vel invitū
 abrumpere cogimur: Rē totā divinā clementia deinceps committentes,
 ipsiusq̃ Majestātē ex toto corde rogantes, ut nos in agnitā veritate
 cælesti & salvificā in finem usq̃ clementer conservare, reliquam vero
 partem spiritu sancto illuminare dignetur, ut veritatem in verbo Dei
 expressam tandem agnoscant & amplectantur, & non tantum in hac
 vitā temporali, sed etiā in futurā cælesti & aternā concordia & com-
 munionē nobiscum perfruantur. Interim autem, dum hac res Deo &
 Dei committitur, quod si Duræus in incepto pacificationis nego-
 tio pergere voluerit, hac & non aliā viā nos illud succedere posse arbi-
 tramur: Vt videlicet Reformati dent Deo gloriam, & retractatis
 manifestis erroribus fundamentalibus, iisq̃ damnatis, ipsam verita-
 tem Evangelicam in verbo Dei, tribus Ecclesie symbolis, & invariata
 Confessione Augustanā expressam sincerē & orthodoxē nobiscū agno-
 scant, stylū & linguam ad hypotyposin sanorū verborū accommodent,
 & huius suæ sive Confessionis sive veræ conversionis symbolū aliquod
 edant, & publicam Confessionem conscribant, in eamq̃ omnes Refor-
 mati, & inter sese conveniant. Quæ Confessio si talis fuerit, quam
 nos non tantum, sed & Theologi in Germania Daniā, &c. Salvā
 conscientia approbare possimus, speramus utiq̃ futurum esse, ut in ex-
 optatam illam utrinq̃ spirituales fraternitatem & concordiam tan-
 dem coalescere possimus. Cuius rei si nos etiam vel socii vel promoto-
 res fieri poterimus, nunquā erimus huic operi defuturi. Er hæc sunt
 quæ inter Nos & DURÆUM hætenus fuerunt pertractata.
 Cum autem videamus, quod DURÆUS confecto suo
 negotio, auditāq̃ de illo nostrā sententiā, in hac urbe adhuc
 hæreat

hæreat, scriptoq; suo evulgato, pleraq; quæ inter nos acta sunt in deteriorem partem interpretetur, quædam malà fide referat, quæstiones de fundamentalibus articulis ventilatas, particulares opiniones, doctrinæ capita, & dubia in tractando incidentia appellet: Nec media esse putet, quib⁹ ad aliquã concordiam deveniri possit: Hisce ad postulata sua Theologica, accuratorem rei tractationem, ut ipse arbitratur, concernentia nihil distinctè aut directè responsum fuisse scribat: Quin & à scopo Concordiæ & rei veritate aliena esse judicet: Et hæc conviria in chartas suas aculeatas conjicienda esse censuerit, in *Consignat. summ. capp. pag. B.2. fac.2.* Quia scilicet declarata à nobis Dn. DURÆO jam per biennium ferè, quæ potuimus humanitatis officia talem ab illo gratiam promeruisse videbantur! Nos pro humanitate nostrâ hæc missa facienda suoq; loco relinquenda esse statuimus, suo tempore, datâq; occasione, qualem nobis persuadere velit cum Reformatis Concordiam DURÆUS, ex ipsius ad nos manuscriptis aliisq; hujus rei documentis, si fortè visum fuerit necessarium, ostensuri omniumq; oculis exposituri.

VI.
Ad Lecto-
rem admo-
nitio.

VI. Te interim, amice Lector, per tuum Candorem & pietatē obtestamur, ne nos aliosve sincerè Evangelicos Theologos ita vel publicæ privatæq; salutis prodigos, vel à pacis studio alienos, ita feros imanes aut adamantinos esse credas, ut sine lachrimis & gemitu contritionē Josephi & Europæ fatiscientis & undiquâq; rimas agentis statum intueamur, qui Concordiam Evangelicis invideamus, qui dissidiorum faces accendamus, aut qui accensas jam & nimium quantum ardentes fovere magis ac frigidam suffundere, quàm sopire & compescere studeamus. Etenim pacem, novit Deus, & Concordiam omni animi ardore desideramus & quærimus: Sed Concordiam non qualem, conversis inter se caudis non capitibus, junxerunt vulpeculæ Samsonis Judic. 15.4. & 5. Verum Evangelicam, uno veritatis spiritu calentem, uno
pieta-

pietatis vinculo ligatam, uno charitatis foedere confirmatam, unoq; confessionis Evangelicæ Symbolo connexam. Cujus nostri voti declarationem promultis subministrabit tibi, vel unicū illud, quod loquitur Apostolus & Doctor gentium Rom. 12. 18. SI FIERI POSSIT inquit, & QUANTUM IN VOBIS EST, servate pacē cū omnibus hominibus. Præcipiens qui dem pacem omni studio sectandam esse, sed & manifeste subinnuens, FIERI INTERDUM NON POSSE, & aliquando in NOSTRA POTESTATE non esse, ut pacē cum aliis servemus. Etenim fieri non posse censendum est, quod piè, quod justè, quod honestè, quod salva Dei gloria, inviolata veritate, & illæſâ conscientia fieri nequit. Quæ verba sunt HUTTERI nostri in præfat. ad suum Irenicum.

Et hæc sunt Candide & amice Lector, de quibus te informandum esse duximus. Tu hisce Deo commendatus, bene & feliciter vale, ejusq; divinam majestatem nobiscum precare, pro pace Hierusalem, ut prosperentur diligentes domum Domini, & sit pax intramuros ejus, & prosperitas in palatiis ejus Psal. 122. 6. & 7. Quod etiam faxit ipse Deus pacis, Pater, filius, & spiritus sanctus, qui est Deus in secula Benedictus, Amen. Dabamus Holmiæ in Conventu Comitiorum 6. Iduum Februarij Anno Supramillesimum sexcentesium & trigesium Octavo.

Vorūm.



Case

Wing

folio.

02

144

.A1

V.1

no. 41

THE NEWBERRY LIBRARY